


CARNAVAL 1937

Venloos

Leedjes

Bukske



Oetgegaeve door Vereiniging „Jocus”



Béj Mooder Maas in Sportfondsenbad,
 Dao lierd t géj kielpe wie ein rat
 Zelfs de Jocusse hure béj oz klante
 Want die weite, al lang van wante
 De Venlosche jonges en de maédjes
 Die kriege héj kleurkes wie roezblaédjes
 En alle An's
 en auk de Sjang's
 En de kopere allemaol
 Die zwumme héj wie einen aol

Sportfondsenbad

CARNAVALSARTIKELEN

als steeds bij ons
Groote Sorteering
en Lage Prijs



SPECIAAL

voor Vereenigen brengen wij een
buitengewoon sortiment Mutsen in
ELKE prijsklasse.

GEERLINGS' BAZAR Venlo

Je Adres voor

HEEREN- EN KINDERKLEEDING

is

FIRMA VICTOR BOITELLE

Lomstraat 15 en 26. Telefoon 2814

En nao

NELLISSEN op de Mert
veur de Trouwring

Os zaak besteit al euver de zestig jaor op de Vleisstraot,
toch waal ein bewies det den borrel van os good is

Telefoon 2587 **P. MEUWS** Vleisstraot 37

1

Alt Jocus Leedje

Jocus dao mit zien vaan

Jocus dao mit zien vaan
In zien schiepke kumt daojaan
Zeet de vent, wie content
Hae is gans patent.
Zeet wie um det hudje steit
En det schiep de golven sleit
En die paerd wie allaerdt:)
Die zien os vuël waerd!) bis

Jocus héj, wie ge zeet
Brink maar vreugde, gen verdreet
Det is waor, op ein haor
Ach daag nao Niejaor.
Laote wéj zoe maar veuraan gaon
En ôs héj maar good verstaon!
Gooje mood, det is good)
Veur waat gèj hèj doot!) bis

Lustig zien, Joekserie
Mak ôs breurkes gek en blie.
Mit ôs kap, wie Hans Flap
Maake wéj die grap!
Schoë-oë-oën wie einen raegenbaog
Wie um héj nog neemes zoog.
Lache wéj, zinge wéj,)
Drinke auk derbèj.) bis

2

Niej Vastelaovesleedje 1936

Elf van Elf

Comp. H. Verhagen

Waörd L. Winters

Riek en erm, jonk en alt.
Venlonaire blief neet kalt,
Sloet ôg aan, mit ôg vaan
Béj ozzen Jocus-Haan

Weg mit zörg, leef en leid,
Luuster waat dit haenke kreit.
Doot als ziet ge verruuk
Dit oor kump noeit mier truuk.

Allemaol, krei ens mei
Klinke mot 't op straot en wei.
In café, zaal en hoes,
Tot baove op 't stadhoes!

Refrein

Elf van Elf, sprik vanzelf
Kump eine joeksigen tied.
Als Jocus' Haan zien leedje kreit
De greeke jao ten spiet.
En dae nog haet, ech Venloos blood
Dae strek zienen nek en kreit ens good
Nôw alle zörg opzie och luu
Kukeleku, Kukeleku, Kukelekuuu!

Kunt U niet breien, borduren of haken, kom even bij ons binnen wippen.
Wij hebben 'n ruime keuze Wol, Haak-, en Borduurbenodigdheden.

WED. PEREE, Lomstraat
Speciaal adres voor Pelterij-Artikelen

HOOFD

WASCHT

Nassastraat 7
Telefoon 2287

STRIJKT

ZONDER WEERGA

3

De Venlosche Jong

Comp. H. Verhagen

Waörd L. Winters

De Venlosche jong, wao dae now auk löp
Dao krieg hae altied sjans
En wao en'n ander ein körfke köp
Krieg hae toch nog ein kans.
Hae wet met de maedjes um te gaon
Versteit het vréje zier good,
Zien vader haet um det veurgedaon
't Zit in zien Venloosch blood.

Wannier hae dan lang genog haet genaon
Mit zien aanstaonde vrouw
Dan sprik hae, now is 't ouk gauw gedaon
Det vréje vind ik flauw.
Ik kom morges ens béj dien vader toes
Dae zal mich haop'lik verstaon
We bouwe direk ein deftig hoes
En kunne wej trouwe gaon.

Wannier hae dan is langen tied getrouwd
Jonk sleit dan nog zien hert
't haet um Goddank dan ouk nooit berouwd
Vergaete is alle smert.
De kinder doon op de schoël good eur bes
Gaon 'smorges moi nao de kerk
De vrouw duit in hoes dan waal de res
En hae geit iefrig aan 't werk.

Refrein

Dae Venlosche jong, dae flinke vent
Wao eeder maedje vuel van helt
Is braaf en good en gauw kontent
Kiek neet nao stand of rang en neet nao geld.

4

't Venloosch Maedje

Comp. H. Verhagen

Waörd L. Winters

Dao is jao gen städje in 't gansche land
Wao 't maedje is zoe sjarmant
En trefste zo'n kind aan dan in de stad
Zonne lekkere leeve schat
Vraag dan aan det kind, wet géj héj de waeg
Bin dan neet vreg waog die kans
En is 't dan gen hellevaeg,
Ik weit zeker de kriegs sjans.

Haet zo'n kind veur good ziene vaste sjans
Wao het op alle bals met dans
En wao het mei nao de kino geit
Of op ein tumpke steit
Dao pleit 't dan veur, bej zien mam en pap
En neemp 't dich mit nao zien hoes
Pas dan good op: 't wies dich rap
De waeg nao 't stadhoes.

Refrein

Ein Venloosch maedje, zo'n aardig kind
Ein Venloosch maedje, wuerd gaer bemind
Ein Venloosch maedje, wies och ouk gaer
De waeg in 't städje, jao van plezeer.

Jocus vrinden groot en klein
Voor een Carnavalportret moet U bij

Tevens Foto- en Kinohandel

Stelder zijn
Vleeschstraat 22
Telefoon 2000

Voorkomt Verkoudheid en Influenza

Draagt 'n HOED van



5

Mooder Maas

Comp. H. Verhagen

Waörd L. Winters

De Maas die oet Frankriek kump gesprónge
Hebbe wéj eure luip bedwónge
Mit eine stuw en flinken diek
Nôw zien wej altied water riek
En hove wej niks te misse
Kunne roeie, zeile, vissche
Vange mit snor, gaert en loed
Avele, briësum, lauw en joed.

Oz Venlo is 't vrintelikste städje
Mit ein aafgebraoke Hetje
Praoper is 't, schoën en net
We sloope rüstig in os bed
Laef nog lang Hier Bûrgervader
Gej brach Venlo in dit kader
Venlo is mit och content
Ierlikke en patente vent

Refrein

De Venlonaer aan 't Maaskanaal
Dae zaet neet hiel vuul waörd
Dae hilt zien moel maar wit 't waal
En drueg gen hoege baörd
Zit nôw den Haah ens in de knup
Dan is me bej de hand
Enne Venlonaer dae me rup
Gered is 't Vaderland

6

Venlo, städje van lol en plezeer

Meziek en waörd A. van Grinsven

Venlo, zô'n stad zoe besteit d'r maar ein
Met 'n schoen stadhoes
Floddergats vind ste bej os maar allein
Wao Amor smoes
Inge straötjes, gen greekende luu !
Vleischstraot guf 's aoves 'n vrejersrevue
Bios, café's, die zien der present
't Is zoe patent.

Speulde wej vruuger mit stuiters of bal
In stille straot
Woutjes beloerde os dan everal
Um 't kattedwaod
Dûk heel mooder os veur de straof toes
Eine van os had weer wat oetgespoes
Speulend met dop had ste pech op lets
'n Ruutje geflets !

Venlo, 't städje van spontane lol
Gastviej en good
Eederein is d'r veur jen make vol
't Is Venloosch blood !
Trek meziek 's aoves boemsend door stad
De Vastenaovend, jao knul det is wat !
Kermis viere, twie kier in 't jaor
Joeks steit steeds klaor !

Refrein

Venlo, städje van lol en plezeer,
Dich kan ik toch noets vergaete
Bin ik in de vraemde, dink ik altied weer
Gen stad kan met Venlo maete
Dao te zien met vrind en al waat dich leef
Dao te kunne laeve met dien hertedeef
Venlo, städje van lol en plezeer
Aan Venlo dink ik altied weer !

WEL EENS RUZIE MET UW BOORDJE?

DRAAG DAN TRICOLINE
KERKO SHIRTS
MET TRUBENIJS BOORD

VAN TRUYEN-LANGENHOFF

Och An, Och An, Och An
 Zek 't aan Sjang en alleman
 Det ze alles kinne kriege
 Béj Goudsmit-Elekan
 Veur Carnaval hebbe de groëtste keuze
 In maskes, mutse, snorre en neuze
 Serpentes en slingers hebbe ze zat
 En zo'n fijne hebbe ze noëts gehad.

Aan winkeleers en vereiniginge meugs
 te 't neet verzwiege
 Det ze béj eur ein groëte korting kriege
 Het adres weite ze waal op en haor
 Want in 37 bestaon ze al 50 jaor
 Veur vræmde minse is 't zier bes
 Det zéj héj onder zeen het adres.

Firma J. Goudsmit-Elekan

Vleischstraot 57, Venlo. Telefoon 2730

7

Och An, och An, och An

Comp. H. Verhagen

Waörd L. Winters

An waas ein aardig maedje
 Opgeruumd en content
 Wengskes wie ein roezblaedje
 Sjang eine flinke vent
 Aan An vroeg dan ouk eederein
 Zelfs groet en klein (bis)
 An is die vrejerie gedaon
 Of zuls te trouwe gaon.

As 't waas kwart veur nege
 Vader zoot in de praos
 Ging An Sjang veszus taege
 Baodschap deej gennen haos
 Mooder stook An ein dieke voes
 Kwaam laat nao hoes (bis)
 Vader zag, An luuster ens hej
 Zit dich ens efkes bej.

Geit 't dan nao zien bedje
 Lach An zoe veur zich haer
 Baejdt 't dan zien gebedje
 En leet 't zich stiekum neer
 Zutjes zinge ze onverwach
 De koedeljach (bis)
 De breurs en zuskes al bejein
 Dit wondermoei refrein

Och An, och An, och An
 Wie geit 't toch met Sjang
 Kom toch vertel 't mich
 Hilt dae nog vuel van dich
 Och An, och An, vertel ens wat
 Oz ens wat, oz ens wat
 Och An vertel ens wat
 Van diene leefste schat.

Drogisterij Garé-Sarolea
 Lomstraat 9, Venlo. Telefoon 2206

Speciaal adres voor

Elastieken Kousen
 Warmwaterzakken
 Verplegingsartikelen

Voor de aanstaande Oranje- en
 Carnevalfeesten is het adres voor
 Stoffen, Bekleding, Mutsen
 en Kleeding

„De Samaritaan”
 Peperstraat 36, Venlo

Voor
 Vleesch- en Worstwaren

naar **ZANOLI**
 S L A G E R I J

Peperstraat 9. Telefoon 3968

Carnaval 1937

Vleeschstraat 19

Telefoon 2736

Voor bekleeding van Wagens,
Groepen en Costuums naar

Fa J. BERDEN

8

Wej gaon nog neet nao hoes

Waörd en Meziek P. Rugers

De zitting van Vors Jocus
Zèj is veur eederein
Bekind, det me van herte
Zich amuzeert, hiel fijn
Is 't joekspalies verlaote
Dan klink 't langs de straote
Dan klink 't, dan klink 't langs de straot

't Is weer vastelaovend
Hiël Venlo haet plezeer
De groëte danse springe
Drinke mennig pötje beer
De res geit langs de straot
En zink fijn in de maot
En zink fijn, en zink fijn in de maot.

Elk sluut zich ein van zin
Achter Jocus schoëne vaan
Den Raod hilt er de joeks waal in
Det huurt zoe béj den haan
Trek dus ein lollig snoet
En krei 't allemaol oet
En krei 't, en krei 't allemaol oet.

Wèj onderdane van Jocus
Door ozze Vors geleid
Wèj gaon nog neet nao hoes toe
Al haet den haan gekreit
Ki, ka, ku, kukele ku-u

} bis

9

De Kopere

Comp. H. Verhagen

Waörd L. Winters

Als och gaaspit neet mier brand
Of geit de lamp neet aan
Sprink van och iezer nog den band
Dan stel och gaar neet aan
De kopere det is de man
Dae och helpe kan
Bel de kopere efkes op
Veurbej is oche strop

Is bej och 't riool verstop
de waterleiding leek
verleer direct neet oche kop
en raak toch neet van streek
De kopere jao 't is ierelik waor
dae mak och det klaor
kump met hamer, loënd en bak
kiek ens, en zaet tot strak.

Blief de kraan aan het druppele
al geit dae gaar neet toe
gaot um gen laerke tippele
det gif hae dao bej toe
allein 't komme en het gaon
raekent hae och aan
laerkes zeet gej nörges staon
dao kump 't neet op aan

Kiek dao kump de kopere
now zien we oet den brand
hae had gen gereidschap
zoe maar bej de hand
och, det kan niks gaeve
hae kiek zich det ens aan
Morge kump hae naeve
dan is 't van de baan

} bis



**De Jocusse doon allemaol wie gek,
Wej erm veugel zitte altiëd op de stek,
Of van links nao rechts te springe,
Maar wilt ge, det we 't leed van Och An of de Kopere zinge
Of fluite as de lijsters,
Haol dan de zaod bej SJANG HEYSTERS,
Det is van aldshaer de beste zaak veur vogelzaod,
Vergaet ôch neet, 't is in de NIESTRAOT.**



BLOEMENHUIS „NIZZA”

HOEK GROOTE KERKSTRAAT-PARADE

Telefoon 2636

BRENGT STEEDS 'T NIEUWSTE IN
ARTISTIEKE BLOEMWERKEN

10

Venlosche Carnaval

Meziek L. Smeets

Waörd B. Verolliemolen

Is 't Carnaval in os Städje
Dan wit eederein wie 't is
Hae dans thoes op 't karpetje
En veult van de crisis niks
Hae haet nog noëit zon lol gehad
As des te kriegs in de Jocus stad.

De fijnste carnaval veur mich
Is as ik bin béj dich
Det aardig leef gezichtje
Dans jao allein mit mich
Want ik heb dich daorum maar leef
Um des ste bis miene hertendeef

Den hiele aovend had ik gedans
Mit miene leeve schans
Maar wie 't 12 oore waas
Meuste de maskes aaf
Ik dach det ik haos dubbel sloog
Toen ik dao veur mich mien mooder zoog

As wej viere carnaval,
Dan zek ik och veural
Wej gaon dan nao enne Jocusbal
Want die zien 't lolligst van al
Venlosche maedjes staon gereit
Mit al eur joeks en lolligheid
De dans dan mit zón leef gezich, }
Tot des te glökkig bis. } bis

11

Neet Bang

Waörd en Meziek Hovens

In oz Stad — vind me zat
Waat ein ander plaats noëit hat
lollige luu, joeks en beer
't Is ein städje van plezeer
Maar boove alles — 't is bekint
Steit 't Venloosch maedje — det aardig kind
't is genne greek — 't gif zich gans
as steun veur ziene sjans.

Is ter fees — of is ter bal
't Venloosch maedje is euveral
't Duit aan sport en aan meziek
't wandelt mit hiël flink en kwiek
't stop en breit en kaok en bak
zit zienen leefste gennen hak
't karakter zaag — de uigskes leef
't is einen hertendeef.

Mit de moëde — deut 't mei
maar is toch zuinig op zien grij
Hudjes chiek — scheunkes fijn
leuke kouse aan de bein
permanent — in de haor
ein sigaretje — neet te zwaor
raeken maar — 't pas eur waal
want ze zien kolosaal

Gaef det kind toch gauw ein muulke
want dao hilt 't toch zoe van
Kus um lekker op zien wengske
dao krieg 't roeie kleurkes van
stank toch neet te prakkezeere
Al bis te jong of bis te man
kus um pang — op zien wang
ein Venloosch maedje is neet bang.

VOOR het koopen van vreemd geld (Marken, Francs, Ponden, etc. etc.)
het arrangeeren van Privé- en Gezelschapsreizen, ook in eigen touringcar.
Safe verhuur, Cheques, Coupons, Triptieken en Grensdocumenten

REISBUREAU W. ZAEYEN, VENLO
KEULSCHEPOORT 10. POSTBUS 111. TELEFOON 2001

RADIO CENTRALE, NIEUWSTRAAT

De Radio Centrale stelt as 1 veurop
veur weinig geld het meist genot.

12

Laot maar gaon

Meziek en Waörd J. Willems

Kukeleku, kukeleku, is weer vastelaovend
kukeleku, kukeleku, den haan dae kreit
kukeleku, kukeleku hae rup de zaak ^{béj}avend
en alle vastelaoves gekke hange weer aanein

Kukeleku, kukeleku, den haan dae kreit
kukeleku, kukeleku, hae loert weer door ^{zien}leedje
kukeleku, kukeleku, en op zien ierste waord
dan vleege alle vastelaoves kiepe van de haord

kom krei mit oz mei
laot maar gaon blief neet staon
alle zörg now nao die vastelaoves maon
huurt géj den haan det stik oz aan
Venlose maedjes kom nów, hang d'r och
maar aan

kom krei mit oz mei.

laot maar gaon, wéj drinke traon
en wéj hosse toet alles is gedaon
het maske veur het pekske aan
jao lang laeve Jocus haan
halei, halei, kom hos mit ôz mei

laot oz vastelaovend viere joeks kunne wéj
laot oz lache ha ha ha ha, lach now mit oz mei
wilt géj neet de moot verleere, kom och
mit oz amuzeere
laot oz lache ha, ha, ha, ha, lach now mit
oz mei

laot now die ker maar gaon.

13

't Venloosch

Meziek H. Tummers

Waörd L. Winters

't Venloosch halt det hoëg in iere
Al krieg ste nog zo'n fijne lien
Wil det noëit nae noëit verliere
Det duit dien elders herte pien.

Kinder hebbe det gespraoke
Het Venloosch klink zoe schoën en ech
Kwaam dien Pap zien blood aan kaoke
In 't Venloosch zoot hae dich dan rech

Bis te in de vraemde jaore
En bis nog zoe vèr van hoes
Bis te as Venlonaer gebaore
Spræk dan wie vrüger béj dich thoes.

't Venloosch, 't Venloosch
Spræk det toch everal
't Venloosch, 't Venloosch
Bring det toch neet ten val
't Venloosch, 't Venloosch
Det klink zoo wonderschoën
't Venloosch, 't Venloosch
Haet zonne moeiën toën.

CARNAVALS- EN FEESTARTIKELEN

H. H. Wederverkooopers en
Vereenigen speciale prijzen.

vindt U in groote verscheidenheid bij

LANGEN-DRIESSEN, VENLO

KLAASSTRAAT 40. TELEFOON 3762

IN CAFÉ - RESTAURANT - FEESTZAAL

„NATIONAL”

IS 'T ALTIJD 'T GEZELLIGSTE

14

Venlonaere Waak

Meziek en Waörd W. H. Peeters

Gej Venlonaere waak, den haan zit op het daak
Hae kreit zien hoëgste leed
Zek huërt gej dit soms neet
Laot um nôw neet allein, maar goei och
rap béjein
Alle vastelaovend gekke motte op de bein.

Géj Venlonaere waak, den haan zit op het daak
Huërt géj nôw zien gekrei
Zek krei dan löstig mei
Heb nôw maar gen verdreet en greek nôw
efkes neet
Zing dan nôw oet volle bors 't vastelaovend leed.

Laeve vastelaovend, laeve Jocus Haan
Van de morgje tot den aovend löp de
koolzuur kraan
Venlo 't städje van joeks en plezeer
Det doon die leef maedjes en het lekker beer.

15

Vastelaoves leedje

Meziek J. Wamsteker

Waörd P. Wamsteker

Zek luu, zek luu, huurt géj het neet?
d'n alden haan dae kreit zien leed!
d'n tied van joeks, dae kump weer aan.
hae laeve lang d'n alden haan!

Vors Jocus haet veur al och leid
zien prima medisien gereid
mak joeks en lol, doot gek en raar
maar in fatsoen, det 's nogal klaar.

Halt hoeg de vaan, doot géj dit neet,
dan haet Vors Jocus vas verdreet,
en zit dan — dit is genne kwats —
mit ziene raod vies in de rats

As dan de Prins zien beerke lûs
En veur en nao de maedjes kûs
dan kump jao alles van mekaar
dae dan neet kreit, is neet good gaar!

Dan zien weer alt en jonk paraat,
en eeder kreit van vruëg tot laat
de krisis is weer van de loch,
gen zörg besteit d'r mier veur och
en Venlo steit nôw baovenaar:
halt hoëg, halt hoëg de Jocusvaan!

Voor fruit, goedkoop en fijn,
Moet U bij MAAS, Parade zijn.

BEZOEKT LUNCHROOM „DE KROON”

GEZELLIG ZITJE. PRIMA CONSUMPTIES

BEZOEKT

NA AFLOOP ONZE AUTOMATEN IN DE NASSAUSTRAT

16

Mien Venlo

Meziek Hingst

Waörd Ad. Schmitz

In Limburg dao leet ein städje
Zoe praoper, zoe net en zoe klein
Dao gif 't ouk leeve maedjes
Die halde van joeks en gein
De hoofs neet te vraoge hoe hit 't
Die vraog is wurkelijk te gek
't Is Venlo, mien Venlo mien plaetske
't Is Venlo die moeie plek.

Waat doon toch hej al die vraemde
In 't städje van plezeer
Neet meuilik is 't te zegge
Want allemaol zien ze d'r gaer
Ze zinge, ze hosse en fuive
Tot det den daag wuerd gries
Wej allemaol zien leuke druive
En lache os de mies.

Of jonk of alt en verslete
Ze doon allemaol mei
Ze danse en springe en lache
Op 't gaasplein, de mer't en de hei
Al hebbe we auk gen cente
Maar daoveur hebbe we mood
Drum hebbe wej altied lente
Drum löp hej alles zoe good

In Venlo, in Venlo dao kriegs ste toch zo'n lol
In Venlo, in Venlo dao make ze dich gans dol
Oet Venlo, oet Venlo dao wil ik neet mier weg
Aan Venlo, aan Venlo bin ik zoe gehech

17

Vraag en antwoord

Meziek en Waörd Drs P. Pannemans

„Wao motte wej deez' daag nao toe?
Gaef toch ens gooije raod
We hebbe oz al suf gedach
Me haet oz al te vuël gepraat.”

„Hej mien antwoord op och vraog
Wet ge waat ge doot?
Ik wil 't och waal zegge
Opgepas en luuster good:

Op nao Venlo, op nao Venlo !
Dao is de fijnste carnaval
Op nao Venlo, op nao Venlo !
Gluif maar det 't er joeksig waere zal
Op nao Venlo, op nao Venlo !
Ouk waez örg haet, blieve neet thoes
Dao ziet ge ze 't gauwst vergaete
Let ens op waat ik och smoes

} bis

**„De Wolbaal” is goodkaup,
Kom daorum dao nao toe!
Van SOK of KOUS of WOL,
Is dao 't hoës van vol.**

**Kom nao „De Wolbaal” allemaol haer
Allemaol haer (boem) (boem)
Allemaol haer;
„De Wolbaal” is goodkaup
Kom daorum dao nao toe!**

(Zinge wie „Och An”)

CONCERTGEBOUW

Mit Vastelaovend 't aangeweze adres.

Vastelaoves-Dinsdaag 't bekinde Boerebroelofsbal

18

In Venlo gebaore

Meziek en Waörd Hovens

Mien Venlo leuke stad
Wao ens oz weegske stond
Dich blieve we beminne
Tot aan oz laeves stond
Trouw wille wej dich deene
Mit krach en mit verstand
Zoedet ste gauw zals waere
De parel van Nederland.

Mien Venlo leuke stad
Gelaege aan de Maas
In handel en in landbouw
Blief stig andere den baas
Dien product en dien fabriek
Is euveral geïert
En we zulle d'r veur zörge
Det dit zich nooit mier kiert.

Mien Venlo leuke stad
Schoene plaats van ier en deugd
Mit dien kerke en kapelle
Stad van Roëmsche vreugd
Blief die deug beware
Tot geluk van eeder stand
Tot heil van oz klein Limburg
Veur Oranje en Vaderland.

In Venlo, dao bin ik gebaore
In Venlo, de stad van plezeer
In Venlo, dao wil ik steeds blieve
Want Venlo, ik heb dich zoe leef. } bis

19

Carnavalsleedje

Meziek M. Laugs

Waörd W. de Bruyn

De joeks is weer begonne
Jonges waat trekke wej oz aan
Waat wuerd d'r weer verzonne
Want 't is den tied van Jocus Haan

As wej maar kunne hosse
En gek doon net wie 'ne pias
Schei oet now met det greeke
Det kump in Venlo neet van pas

Haol gauw ein maske, ein ratel of trompet
Kom maedjes en ouk jonges, want now begint
de pret
Hiep hiep hiep hao, hiep hiep hiep hao } bis
Want Jocus Haan is weer dao

VOOR FEESTEN

OESTERS EN KREEFTEN

CORTJAENS
HOFLEVERANCIER

SIGARENMAGAZIJN J. DERCKX-FELLERHOFF

VLEESCHSTRAAT 32, VENLO

Telefoon 3504

RUIME KEUZE IN SIGAREN, SIGARETTEN EN TABAK

20

Laeve de joeks

Meziek M. Laugs

Waörd W. de Bruyn

Laeve de joeks, laeve de lol
Mit vastelaovend is Venlo dao knats van vol
Eeder maedje haet zich verkleid
En in den balzaal wuërd d'r gedreid
De Venlosche grapjès die zien dan op de bein
En zien dan verkleid, allemaol aeve fijn.

De joeks kint dan gen ind
Eeder jong pak zich ein aardig kind
En geit dan hosse, springe
Ze dan nao hoes toe bringe
Laeve de joeks, laeve de lol! (bis)

21

Venlosche Jong

Meziek P. van Keeken

Waörd J. Woltering

Waat had me vruger toch 'n spas
Toen me den hand'sjop nog droog
Makde me toen ens eine sjars
Gen kwaod det me dao in zoog
En toen me groet gewaore waas
Waas me everal den baas
Zoog eederein des te waas neet dom
Det is eine Venlosche jong
En as t'r dan in Venlo
Ens 'ne taptoe wuërd gemak
Dan hos de hiele zwiek door stad.

Wannier 'ne jong aan vréje dink
Dan is d'r gauw mit klaor
Vindt nao zien hert ein aardig kind
Dan vrueg hao eur zoe 't waord
En is zo'n bruedje ouk verleeft
En zaet ze mien hertedeef
Dan gluif mig zonne Venlosche jong
Dae is in vréje neet dom
Hae fluustert van ierste leefde
En het rup hiel content
Dich bis veur good miene leefste vent.

En is zo'n paerke gaer getrouwd
Is 't allemaol nao de zin
Dan wuerd 't nisje opgebouwd
En trekke zej dao in
Kump dan bej dit gelúkkig paar
Nao ein jaor den ooievaar
Dan huurste schrieuwe mit volle long
De wets 't dit is enne jong
De vader en de mooder zegge:
„Kiek, waat we hebbe hej,
Eine flinke Venlosche jong d'r bej.”

En hebbe wej jonges sjans
Dan krieg ouk mennig maedje 'n kans
Dao bej lol en nog wat beer
Want jonges halde van plezeer
Dan gaon wej ouk nao 't bal
Want danse kinne wej ouk al
En hilste van gen druege tong
Dan bis te 'ne rasechte Venlosche jong

J. LAUMEN & Co

INTERNATIONALE EXPEDITIE

VENLO

Telefoon 2741-2742

KALDENKIRCHEN

Telefoon 43

Got gij neet gaer doed,
Koup dan 't gebak en broed,
Fijne speklasje, mik, sesiezen,
Wao, det zal ik og smiezen
Spring ens efkes op de fiets
Haol 't bij P. Hendrikk

Alste Bekkerie van Venlo
Vleisstraot 49
Huize „Sjiets”

22

Venlo veuroet

Meziek P. van Keeken

Waörd J. Woltering

De plaats wao ens mien weegske stond
en wao ik zoe vuël van hald
en eederein het joeksig vond
te woëne jonk en alt
De's Venlo jao zoë intressant
det veur veuroetgang is
det laes ge dagelijks in de krant
ein reuze stad gewis

't Venloos pebliek det hilt van lol
't is euveral gaer béj
de bioscope zitte vol
'n Stad van plezeer is 't héj
en as ter ens wat te feeste is.
dan trek eederein der oët
det zeet ge dan zelf: det is gewis
òz Venlo geit veuroet.

Prins Carnaval kump in de stad
en Venlo van dit jaor
luët weer ens zeen wat Venlo mak
de hiele stad steit klaor
en alle minse trekke oet
in optoch door de stad
wéj zinge dan: Venlo veuroet!
want: eindrach det mak mach!

Venlo veuroet, Venlo veuroet
het is héj al'maol intressant
ze zien héj reuze béj de hand
Venlo veuroet, Venlo veuroet.

23

Jocus Hane Leed

Waörd en meziek H Sax

Gé jonges en auk maedjes
kom luuster now ens héj
de vastelaovend is ter weer
det gif oz vuël plezeer
Juupke en zien maedje
Netje en ziene jong
zien allemaol aeve lollig
En slage op de trom.

As 't vasteloevend is
dan komme de maskes aan
dan kump de joeks en 't plezeer
we trekke oz nöriges wat van aan
al heb ste gen klamotte
dan blief ste toch neet thoes
we make lol en zien joeksig
En gaon hiel laat nao hoes,

Dan zinge wéj det leedje
Van de Jocus Haan
Zien allemaol aeve lollig
En halde oz maar draan
Tot det 't op zien indje geit
En is de vastelaovend oet
Dan doon wéj de maskes aaf
En gaon weer net nao hoes

En den haan dae kreit zien best
Is al net zoe gek as de rest
Kukeleku, kukeleku
Kukeleku ku ku.

LEO BOUTEN Bontwerker en Praeparateur

Parade 21 -- Telefoon 2307

Speciaal adres voor het vervaardigen van alle soorten BONTWERKEN
OPZETTEN VAN DIEREN

Een adres van vertrouwen

voor uw inkoop in Porselein, Kristal, verzilverd en moderne exclusieve Byouterien is

FIRMA EYCK, Vleeschstraat 18, Venlo

Ruime keuze in Eet-, Koffie- en Theeserviezen, Kristallen drinkglazen enz. enz.

Op Wellner zilver en Vlek-vrij door en door **een menschenleeftijd** garantie, bij normaal dagelijksch gebruik. Komt U gerust binnen een kijkje nemen, het verplicht U tot niets.

24

Jocus Dansleed

Meziek en Waörd P. Jansen

Kom now vrinde al te gaar
In ozze Jocus zaal
Wao geij och zult vermake
Mit wat rare snake
Hej is niks as joeks en pret
Wuërd op genne stand gelet
Jao alles zink hej joeksig mei
Dit lollige refrein

Is ter fees hej in de stad
Jocus is ter bej ha, ha!
Alle netjes in de rie
Kieke daobej nog hiël blie
Want joeks det duit eeder good
Det zit in oz Venloosch blood
Daorum alle groet en klein
Mit gezonge dit refrein

Vrueger in den alden tied
Kinde me gennen haat of nied
Alle laefde brüderlein
Netjes joeksig onderein
Jocus zal dit weer probeere
Det ge och zult amuseere
Daorum alle groët en klein
Mit gezonge dit refrein

Danse, zinge, is ouk Jocus zien vermaak
Danse, springe mit ein Jocussin.

25

Kwats

Meziek Th. Luysterburg

Waörd J. Cornet

Belasting mot betale
Beslis jao eederein
Me wuerd daovan sjagreinig,
Want niemand vind det fijn
De krei, de spraon, de maerel
De bookvink en den daol
Die strieke zich daonaeve
Zien glad wie einen aol

Wej aete hiel vuël greunte
Tomaat en hötje lauk
Banane, viege, pratmoos
Det löste wej jao auk
De vloee, de roeps, de krekel
De garepaap, de spin
Die löste jao gen greunte
Die zien eur vuëlste min

Ein lippestif dae zit now
In eeder damestasch
Ein speegel en ein kempke
En eine poeierkwas
En schuut soms ens 't stifke
Eur lipke wat veurbej
Dan doon ze wie de katte
En wassche zich met spéj

Wéj haole oz dao euver
Gen zörg in ozzen bol
De hoofdzaak och det is jao
As wej maar hebbe lol
Veural mit Vastelaovend
Dan zien wej van den band
Wéj kriege wat te sjanse
Ofwaal ein dieke hand.

Veur ein Wasmachien,

Wringer of Stofzuuger geit eedere Venlonae nao

Niestraot 43. Tel. 2427

Felix Keizer

VENTAX

Telefoon

3700

is Uw wagen.

Dag- en nacht

Goedkoop tarief

'n Prettige Carnaval wenscht U
SMEETS-CANTERS

Drinkt

WOLTERS BIEREN

Bierbrouwerij „La Belle Alliance” Venlo

Lederwaren

Toiletartikelen

Firma A. COOL, Gasthuisstraat 16, Venlo

Handtassen, Portemonnaies, Toiletten, enz. Toiletstellen, Vapo's
Manicuur- en Kapdozen. Spielgoederen in enorme sortering

Eau de Cologne

Zie etalages

Spielgoederen

Jocusgekken

Kom ens béj mich

Ik steur 't neet op zig

En mit al och gekwaak

Heb ge nog ein leekend daak.

L. van Tankeren

Nieuwstraat 20, Venlo

Schoorsteenveger. Lei- en dakwerker. Mastiek

Drukkerij
HC van Grinsven
Venlo